

الإسلام دين رب العالمين

Lıslaangã yaa

bõn-naands Naabã

dĩini

Ne Wënd yvvrã barka, sën yaa yols yaleng Soabã, n yaa Yolsdã, la d singd d tvmmdã

Lislaangã yaa bõn-naands Naabã dīini

Ānd la fo Soabã?

Yāwã la sokr sën yud bedrem belmã pvgẽ; a le yaa sokr sën pak n yud ti yaa tilae ne ninsaala t'a bång a leokrã.

Tõnd Soabã Yẽ n naan saasã la tẽngã, la A sik koom saasẽ wã, n yiis sën tũ ne koomã ti-biis buud fãa, la tuse, ti yaa rub ne tõndo la rûm-mugsã, La yaa Yẽ la sën naan tõnd la A naan tõnd saam-dãmbã, la A naan bũmbã fãa, la Yẽ n maan yvngã la wĩndgã, la A maan yvngã ti yaa gõeem la vuvsg wakato, ti wĩndgã yaa tvm la rub baoob wakato. La yaa Yẽnda n wõr wĩndgã la kiuugã la ādsã la moagã, la A wõr rûm-mugsã n kõ tõnd ti d rit-b la d nafd ne b bĩismã la b gãndã.

Bõn-naandsã Soabã sif-rãmbã yaa bõe?

Soabã Yẽ la sën naan bõn-naandsã, la Yẽ n kãndg-ba n tug sidã la kãndgrã, la Yẽ n dabsd bõn-naandsã yela fãa, la Yẽ n rĩlgd-b, la Yẽ n so sën be dũni vumã fãa la yaoolem raarã pvgẽ wã, la bũmb fãa yaa Yẽ soolem la sën pa Yẽ fãa, yaa Yẽ n so-a, La Yẽ la Vit ninga sën pa kiid la A ka gõe, la Yẽ la yals-m-toor Soabã bũmb fãa sën yãs ne A sagellã, la Yẽ yolsgã gũbga bũmbã fãa, la Yẽ la bũmb ba a yembr sën pa solgd-A saasẽ wã pa tẽngẽ wã. Bũmb pa be n yaa wala Yẽ ye, la Yẽ me la Wvmdã n yaa Netã, la A be A saasã yĩngri, n sek A Meng n A bõn-naandsã, la bõn-naandsã tara tvlsem ne-A, la A bõn-naandsã ba a yembr pa lebd A Mengẽ wã ye, (A Naam yĩlg n zẽke), Soabã Yẽ n naan dũni-kãngã tõnd sën ne wã n lagem ne a na-kẽndrã sën yõgen n pa yõsdã, zem ti yaa nebã yĩnga na-kẽndrã maa rũmsã, maa yaa dũni wã na-kẽndrã sën be tõnd kiremsã a wĩndgã ne a ādsã la a yel-tõmdsã fãa.

La bũmb fãa b sën tũud ti pa Wẽnde yẽ pa tõe n naf a menga a pa tõe n namse, rënd na n yu wãn-wãna t'a tõog n naf ned ning sën tũ-a, maa a tus nangã n yi-a?

Tõnd Soabã hake sën be tõnd zug yaa bõe?

Ad A hake wã sën be nebã fãa zugã yaa b tũ-A a Yembre la b ra maan lagm-n-taar ne-A baa fvi, rënd b pa tũud zẽng sën pa Yẽ maa b tũ n naag-A ninsaala, pa kugri, pa kvlga pa bõn-koẽnga, pa āndga, pa baa fvi, ayo. B

maanda tũudmã fãa tĩ yĩlg n welg ne Wënd A Yembre sên yaa bõn-naandsã Naabã.

La nebã hake sên zao b Soabã zug yaa bõe?

Ad nebã hake sên be Wënd zugu tĩ b sã n tũ-A yaa A kõi-b vum sên yaa yĩlenga, vum ninga b sên paamd bas-m-yam la laafi la yĩn-yõgnego la yarda a pũgẽ, la yaoolem zakẽ wã yaa A kões-b arzãnã la be a pũgẽ neemã sên duumdã, la paab sên pa tar tekã, la b sã n kus-A la b yõsg A sagellã, A maan tĩ b vumã yĩ zu-beedo la keelem baa tĩ b sã n tẽed tĩ bãmb bee zu-noog la vusg pũgẽ. La yaoolem raarã A keesd-b-la Bugmẽ b sên pa na n yĩ a pũgẽ ye, b tara a pũgẽ sibgr sên duumdi, la paab sên pa tar teka.

Tõnd belmã vvoor yaa bõe? La yaa bõe yĩng la A naan tõndo?

Ad Soabã sên yaa wagellã A kõi tõnd kibar t'A naana tõnd ne raab sên yaa zisgo, la rẽ yaa d tũ Wënd A Yembre, la d ra maan lagem-n-taar ne-A baa fũ, la A roglg tõnd tĩ d me tẽngã ne neer la manesgo, rënd ned ning sên tũ tĩ pa a Soabã la a Naandã, a pa bãng raab ning b sên naan-a ne wã ye, la ned ning sên sãama tẽngã pũga, yẽ soab pa bãng tũmd ning b sên rogl-a wã ye.

Yaa wãna la d tũud d Soabã?

Ad Soabã, (A Naam yĩ wagelle) A ka naan tõndo la A bas tõnd zaalem ye, A ka maan tõnd vumã tĩ yaa reem ye, la ad A tũusa tẽn-tũmba ninsaalbẽ wã n tũms b nebẽ wã, bãmba n yud nebã ne zug-sõngo n leb n yud-b ne yõn-yĩlma, n leb n yud-b ne sũ-yĩlma, t'A sik A tẽn-tũmdã b zugu, la A ning A tẽn-tũmdã pũgẽ bũmb ning sên yaa tilae ne nebã tĩ b bãnge, sên kẽed ne b Soabã, (A Naam yĩ bedre) la b leb n bãng dũni wã yĩkr raar yellã, yẽ me la geelgã la rolbã raare. La Tẽn-tũmbã taasa b nebã b sên na n tũ b Soabã to-to ninga, la b vẽneg n vilg-ba tũud-rãmbã sên yĩt to-to ninga la b wakat-rãmbã la b keoorã dũni kaanẽ la laahre, la b bugs-ba n yĩ b Soabã sên gidg b zugu, sên yaa ribdo, la bõn-yũudi la fur-rãmb nins sên gidgã, la b kãnd-ba n tug zug-wagla la b gidg-ba n yĩ zug-yoodo.

Yaa dĩin bvd la reegd Soabã nengẽ wã (A Naam yĩ wagelle)?

Dĩin ning sên reegd Wënd nengẽ wã yaa lĩslaango, yẽ me la dĩin ninga Nabiyaam-rãmbã fãa sên taasã, la Wënd ka reegd dũni yĩkr raare, dĩin tĩ ka yẽ ye, la dĩin fãa nebã sên kẽ tĩ ka lĩslaangã yẽ yaa zaalem, a ka na n naf a soaba, a pũs n na n yu zu-beed a zugu, dũni kaanẽ la laahre.

Dīin-kāngā (lɪslaangā) a yēgā la a zeng raadā yaa bōe?

Dīin-kāngā Wënd yols-a-la A yembsā zugu, rënd a zeng raadā sēn tug n zis n yuda, yaa f kō sɪd ne Wēnde, t'A yaa Soaba la Soab tūudenga, la f kō sɪd ne A maləgsā la A Gaf-rāmbā, la A Tēn-tuumbā, la yaoolem raarā, la Pvlengā, rënd f maanda kaset ti Soab sēn na n tū n tɪlg ka be sā n ka Wēnde, a Muhammad me yaa Wënd Tēn-tuumbā, la f tēeg tɪrg ne Puvsgo, la f kō Zaka f sā n tar ligdi Zak yaa tɪlae a pʊgē, la f loe Ramadaane, yē me yaa kiuug yuumdā pʊgē, la f maan hagiimd Wënd yīnga n tug Roog ning sēn yaa Ro-kud-kāsenga, a [braahum (tɪlgr be a yīnga) sēn me-a wā, sēn tū ne a Soabā sagellā, ti fo sā n paam sor n na n tug Roogē wā La zāag būmb ning Wënd sēn gɪdgā, sēn yaa lagem-n-taare, la yōor kuubo, la yoobo, la haraam ligd rubo, rënd fo sā n kō sɪd ne Wēnde, la f tɪm tūudum-kāensā la f zāag haraam-kāensā, fo yaa lɪslaama dūni wā pʊgē, la dūni yikr raare Wënd kōta foom neema duumdga la paab sēn duumd arzānā puga.

Rē yīnga lɪslaangā yaa dīin sēn welg n kō neb maa kōbg bu?

Lɪslaangā yaa Wënd dīin n kō nebā gilli, ned ka be beenē n tar yudlem a to zugu, rēnda Wēn-zoεga la tuum-sōngo la nebā fāa zema taab a pʊgē.

Nebā maanda a wān n bāng Tēn-tuumbā sɪdā (puvsg la tɪgr be b yīnga)?

Nebā bāngda Tēn-tuumbā sɪdā sēn tū ne soy wusgo, be b pʊgē:

Yaa ti b sēn wat ne būmb ningā sēn yaa sɪdā la kāndgrā, yamā la fitra (rog-ne) ning sēn manegā sakd-a lame, yamā leb n maanda kaset t'a bee neere, la zēng sēn ka Tēn-tuumbā ka tōe n wa ne bāmb sēn wa ne wā ye.

Yaa ti būmb ning Tēn-tuumbā sēn wa ne wā, nebā dīinā la b dūni wā, la b yelā yalsg la b vumā meeb manegr be a pʊgē, la b dīinā gūubu la b yamā la b arzεg la b burkīndi (manegr be a pʊgē).

Yaa ti Tēn-tuumbā (tɪlgr be b yīnga) b ka baood keoor nebā nengē ye, b sēn boond-ba n tugd sōmā wā la kāndgrā yīng ye, la b gūuda bāmb keoorā b Soabā nengē.

Yaa ti Tēn-tuumbā sēn wa ne būmb ninga yaa sɪda la vēenega, sik ka gēdg-d-a ye, a ka kUSD taaba, a ka golemde, la Nabiyaam fāa sɪdgda Nabiyaam-rāmb nins sēn reng yē taorā, la a bool n tug bāmb me sēn bool n tugā buudu.

Yaa ti Wēnde, A kengda Tēn-tuumbā (tɪlgr be b yīnga) ne tagmas-rāmb sēn yaa vēenega la yel-soalem-rāmb sēn windi, ti yaa Wënd n kēnesd-b b

nusē wā ti b yitē, buł yīng ti b na yī kaset-rāmb sēn yaa sīda, sēn wilgd ti bāmb yaa Tēn-tuumb sēn yi Soabā nengē, la Nabiyaam-rāmbā yel-soalem sēn tug n zis n yuda yaa Tēn-tuūm Pidsg a Muḥammad yel-solemdā, (Wēnd puusg la A tilgr be a yīnga) yē me la Alkurāan wagellā.

Alkurāan wagellā yaa boe?

Alkurāan wagellā yēnda la bōn-naandsā Naab Gafā, yē me la Wēnd Goamā malek a Gibriil (tilgr be a yīnga) sēn sik Tēn-tuūmā, a Muḥammad zugu, la be a puḡē Wēnd sēn maan ti yaa tilae n zao nebā fāa ti b bāngā, sēn kēed ne Wēnde, la A malegsā, la A Gaf-rāmbā la A Tēn-tuūmbā la yaoolem raarā la Pulengā, a noog la a toog fāa be a puḡē, la tūud-rāmb nins sēn yaa tilae wā me be a puḡē, la yel nins sēn gidg ti yaa tilae ti nebā gūus-ba, la zug-waglā la sēn sābsā, la būmb fāa sēn yag ne nebā b dīnā puḡē la b dūni wā la b yaoolem raarā be a puḡē, la Alkurāanā yaa Gaf sēn komsd a geesdbā, Wēnd geesa nebā ti b wa ne a buudu. A yaa Gaf b sēn gū n na n tug n tāag dūni yikr raare, ne buud goam ning a sēn sig ne wā, baa guls-bill a yembr ka boog a puḡē, la gom-bill baa a yembr me ka tedg a puḡē.

Yikrā kūmā poorē wā la tuūmā geelg daliil yaa bōe?

Rē yīnga fo ka ne ti tēngā wat n kiime n kuł ti vum ka a zugu, ti koomā sā n sig a zugu, bi a pus n bul bōn-bundi ti tar ra-sānde, ad Naab ning sēn vums-a wā A yaa Tōod ne A na vums kū-rāmba, Ad Soab ning sēn naana ninsaālā ne koom sēn yaa yaalgā, A yaa Tōod ne A leb n yik-a dūni yikr raare, n geel-a la A yao-a rolb sēn pidi, sā n yaa sōmā yaa sōma, la sā n yaa wēnga, yaa wēnga, Ad Naab ning sēn naana saasā la tēngā, la ādsā, A yaa Tōod ne A lebs ninsaāl naanegā, bala ninsaāl naanegā lebsg yēnda naana n yud saasā la tēngā naanego.

Bōe na n yī dūni yikr raare?

Soabā (A Naam yī wagell n zēke) A na n yika bōn-naandsā b yaadē wā, rē poorē t'A geel-ba b tuūmā, rēnd ned ning sēn kō sīda la a sīdg Tēn-tuūmbā, A kēesd-a-la arzānā, arzān ning sēn yaa neemā duumdg, neemā ning sēn ka kēed ninsaāl tagsgē a bedrēmā keelem. La ned ning sēn kīflā A kēesd-a-la Bugmā, Bugum ning sēn yaa nang duumdgā, nang ning ninsaāl sēn ka tol n tagsd a buud ye. La ned sā n kē arzānā maa Bugmā, a ka leb n kiid lae-lae, rēnd a yaa duumda, n yaa paada neemā wā puḡē maa namsgā puḡē.

**Ninsaal sã n rat n kê lıslaangã, bõe la a maanda, rê yĩngã yel n be
beenẽ ti yaa tilae t'a maan bu, neb me n be beenẽ ti yaa tilae ti b kô-a
sor t'a kê bu?**

Ninsaal sã n bãng ti lıslaangã dıın yaa sıda, la yaa yẽ la bõn-naandsã Naab dıınã, rënd sõmba ne-a t'a yãg n kê lıslaangã pugẽ, bala yam soaba sıd sã n vẽneg ne-a sõmba ne-a t'a yãg n keng a nengẽ, la a ra yaoolg yel-kãngã ye, la ned ning sẽn rat lıslaangã koom, ka tilae ne-a t'a maan yel sẽn welg toor ye, ka tilae me ti yi neda, sẽn yaa a soab fãa bõn-naandsã pugẽ taoor ye, la sã n yi lıslaam taoore, maa lıslaambã sãnrẽ, yẽnda yaa sõma sẽn paas sõma bala, sã n ka rê sekda yẽnda t'a yeele: (Ashadu anlaa-ılaaha ılılallaahu, wa Ashadu anna Muḥammadan Rasuḥlullaah= m maand kaset ti soab sẽn na n tũ sıd-sıd ka be, sã n pa Wẽnde, la m maand kaset t'a Muḥammad yaa Wẽnd Tẽn-tuuma). T'a yaa sẽn mi a maanã wã, n kô sıd ne-a, woto bala a lebgda lıslaama, rê poorẽ t'a karem lıslaangã sãri-rãmb nins sẽn kellã bilf-bilfu, buıl yĩng t'a na yik n yals ne bumb ning Wẽnd sẽn maan ti yaa tilae n rog yẽ wã.

Sẽn na paas bãngre: <https://byenah.com/mos>



Index

Lɪslaangã yaa bõn-naands Naabã dīini	3
Ānd la fo Soabã?	3
Bõn-naandsã Soabã sɪf-rāmbã yaa bõe?	3
Tõnd Soabã hake sēn be tõnd zug yaa bõe?	3
La nebã hake sēn zao b Soabã zug yaa bõe?	4
Tõnd belmã vōor yaa bõe? La yaa bõe yīng la A naan tōndo?	4
Yaa wāna la d tūud d Soabã?	4
Yaa dīin bud la reegd Soabã nengē wã (A Naam yɪ wagelle)?	4
Dīin-kāngã (lɪslaangã) a yēgã la a zeng raadã yaa bõe?	4
Rē yīngã lɪslaangã yaa dīin sēn welg n kō neb maa kōbg bu?	5
Nebã maanda a wān n bāng Tēn-tuumbã sɪdã (pʊʊsg la tɪgr be b yīngã)?	5
Alkʊrāan wagellã yaa boe?	6
Yikrã kūumã poorē wã la tuumã geelg daliil yaa bõe?	6
Bõe na n yɪ dūni yikr raare?	6
Ninsaāl sã n rat n kē lɪslaangã, bõe la a maanda, rē yīngã yel n be beenē tɪ yaa tilae t'a maan bu, neb me n be beenē tɪ yaa tilae tɪ b kō-a sor t'a kē bu?	6